



願文集

一

特別
ハ4
6210
1



114
6210
1

願
文
集

一

安樂壽院內阿彌陀供養御願文

同咒願文

十日御誦御願文

奉為贈皇后御八誦御願文

三七日御逆修御願文

天王寺御逆修御願文

如法書寫大般若經發願文

天王寺念佛三昧院供養御願文

天王寺御逆修御願文

同御逆修發願御願文



十日御講御願文

御逆修御願文

同結願房陀羅供御願文

白河東御堂内御塔供養御願文

十樂房陀羅供養御願文

六十日大般若御講御願文

千體阿彌陀佛御願文

熊野金泥一切經供養御願文

十日御講御願文

堀川院御八誦御願文

金剛心院供養御願文

同咒願文

安樂壽院内不動堂供養御願文

三七日御逆修御願文

同結願御願文



安樂壽院內阿彌陀堂供養御願文

側聞大慈濟度之船來往于正遍知之願海中道淨
明之鏡照耀于究竟即之心塵輝範冲旨不可測量
者歟伏惟昔在四海之家早為萬民之主馭朽多歲
理世之德獨踈履薄幾春慎日之心難慰是以辭紫
宮而遁皇圖出茨山而入法室宿息之在堅禪雖知
空觀之隔世累朝使之傳路問尚有塵事之到我心
懺悔之思造次無休爰皇浴之南有一仙洞蓋是祖
父法皇往日經始之地也春花秋葉之體陰陽也天
時之景趣感眼青山白水之足登臨也雲夢之八九

在曾弟子殊加潤色屢專愛賞旁拓道場於其地安
陀於其中徃年之北啓白光畢重擇隙土之勝趣
新起梵宇之洪基建立九間四面檜皮膏堂一字奉
安置丈六金色阿彌陀如來像九躰一丈同觀世音
大勢至等菩薩像各一躰奉書寫金字妙法蓮華經
一部八卷無量義經一卷觀普賢經一卷阿彌陀經
一卷般若心經一卷墨字妙法蓮華經百部無量義
經觀普賢經阿彌陀經般若心經等各百卷三三佛
陀之二八尺焉妙相之月逆耀如々經卷之百餘部
矣寶智之遺旁開重閣曾樂之相連於非一本雲捐

霞軒之高聳楹在半天輪奐之製佳式盛乎彼唐虞
之茅茨采椽非不慕焉然猶不好儉約者為資上品
之蓮臺也蓬萊之玉樓金闕非不聞矣然猶不求神
仙者為願西方之寶刹也寸心所企丈夫捨諸方今
單闕之歲清涼之月土木之功甫就香花之勤惟新
殊准公家之齊會更助供養之軌儀絲竹千萬聲周
瑜赴節薜蘿百餘口夏蔭莞眉一人臨幸之不容易
矣迴鸞輿於為瑟之前六府警巡之正儀度焉移霜
仗於露地之裏群卿於焉從事庶尹為之列次加之
國母之移錦帳 公主之引珠裾添奇造之華飭加

梵宮之光粉抑始從膺籙受圖之昔至于落飭染衣
之今文歸三寶之境畧雖祈二世之利益匪石之至
若者淨土之大望也因茲常繫念於安養之教主旁
積功於事理之業因造立圖繪之像大小有數稱念
禮讚之勤寤寐無他就中九躰之丈六者万善之專
一也洛東仙居之傍往年起精廬以安置之城南羅
宮之地今日營仁祠以崇養之然則弟子之歸弥陀
豈唯一朝一夕之事哉伏乞慈眼知見證明心念惟
深何不消罪障於八子億劫之中發感純熟非唯殖
善根於三四五佛之所定知多生宿善與今生作善

添薰彼土化佛與此土新佛合力百二十年之後必
滿順次往生之望十萬億土之西遂得頓證菩提之
果先捧福慧迴向神祇內證照實外現銜權殊以微
善之上今奉資遐纂於中禁北辰之位無搖南面之
化弥久兼又奴握之月鎮朗沁水之波永平乃至法
界平等利益敬白

久安三年八月日弟子沙門

敬白

作者左大辨顯業卿

同咒願文

精舍一字	林池蓄妙	城南鳥羽	百姓咎過	上皇聖主	卜棲汾水	君臨之間	早在幼昧	專致信力	真理疑竅
揆日呈功	堂觀加基	洛外離宮	譴責寄誰	二代嚴親	永逐虛舟	經二八迴	認極皇恩	感應斯通	難測端倪
輪乎真乎	當其東頭	傳而居然	三業罪障	政務弛張	問道空門	遜讓以來	德隔勛花	深抽悃誠	善權精微
九向四面	揮此甲勝	遊覽放曠	懺悔帶佛	一身諮詢	遂歸真乘	送四六載	俗謝淳朴	利益即及	不知幽顯

孫陀九躰	觀音大士	皆瑩金色	况忍妙法	白露之節	宸儀臨幸	檀那仙院	冠蓋雲集	一百七口	舞袖浮影
滿月並容	勢至薩埵	各照玉毫	百部素殘	清秋之天	南護歸依	排房沁園	簪纓星羅	律虎義龍	碧沼波向
端正端嚴	兩軀相分	稽首禮瞻	其外同經	支干叶且	輝次序官	旁移綺筵	寶網彩幡	宮商角調	行道列蹤
一丈六尺	左右安置	合掌恭敬	一部金字	供養盡美	助大法會	兼迴瑠瑯	飄風耀日	絲竹絃管	白沙庭上

梵唄唱響	讚歎回音	歡慰慇懃	見者隨喜
仰願種覺	照視乃懷	伏乞世尊	證知宿念
無量壽命	無量光明	名号得聞	護持成恃
又謂極樂	又謂娑婆	此土有緣	彼界易往
常於九品	常繫十念	必到菩提	必登果位
先捧慧業	奉資榮闈	鳳曆運長	鴻化仁洽
姑射禪洞	山呼傳三	襄城深居	河清約十
國母后掖	龜鶴伴齡	公主藩三	松竹論筭
宰臣賢相	塩梅克和	庶尹群僚	賴幹英撓
華裔靜謐	兵革輒拋	稼穡豐穰	民戶甚樂

梵宇之構	礎石鎮堅	香花之勤	來葉不斷
自悲想頂	至奈落迦	悉么昏迷	併以曉了

久安三年八月日

作者文章博士永乾朝臣

千日御誦御願文 第五度

夫以慈悲者諸佛發心之本也故以度衆生為四弘之始仁惠者皇王理政之要也故以愛萬民為五常之先弟子昔為人君豈忘愛萬民之心今作佛子盍發度衆生之願况乎經歷惡趣者皆是生之之骨肉

逗留朽宅者莫不世々之親知而業界果一遷生處
各異則不知交刀葉劍林以碎骨髓又不知作家犬
樵馬以受杖楚雖近雖遠忘恩忘義閑而思之莫不
傷嗟是以始自去元辛春正月閱千箇日之誦拜資
無邊界之群萌辛曆暗改日數已滿迴向之志至苦
利益之願何空然猶苦海浪底邪知潛鱗之未出猛火
煙中恐有餘燼之尚焦仍為導去趣未度之衆生
重設千日南謨之慧業迺奉治頭一尺五寸金銅塔
一基其中奉安置金字小字妙法蓮華經一部奉造
立金色三尺阿彌陀如來像一軀二尺觀世音菩薩

像一軀各耀慈悲之相好共備迎接之儀式奉書寫
妙法蓮華經一部無量義觀普賢阿彌陀般若心等
經各一卷伴塔婆佛經者當于初日所奉供養也又
因繪阿彌陀如來像一軀每日一軀可開眼之奉撰
寫妙法蓮華經百部開結經等并一千卷阿彌陀經
一千卷般若心經一千卷每日各一卷可奉開題之
又每日延唵一口之禪侶轉讀一部之妙經殊洒射
山之禪洞敬展匪席之齋延清淨之志世尊納受破
彼地獄鬼畜修羅人天之三障導此無有衆苦但受
諸樂之九品抑弟子多年之間修善有數身祈順次

往生之大望殊仰來迎引攝之本願就中修教千日
之誨演致無貳心之信樂迴施法界者和南之勝善
利益群生者詣西之心因曰「薰修之力縱雖佛知
難籌量座々聽聞之功定令我願得成就於戲塵若
如煩惱之家請拂以妙法華之凡雲若遮出離之道
請照以於陀尊之月願共諸衆生往生安樂國敬白

久安三年十一月廿日弟子沙門 敬白

作者左大辨頭葉卿

奉為贈皇后御八誦御願文

蓋聞孝之為大焉萬善至而百邪去德之為本矣上
天感而下土應要道之養喟然而知伏惟母儀贈皇
太后弟德克修泚乾不忒遷納進御之嘉禮早承先
朝之恩漢李唐楊之寵光更非同日之論然向康和
季歲韶陽初春弟子降誕之昌運雖新
贈后慈悲之芳容忽隱魏闕花前瓊苗留兮未長慈
寢月下玉粒辭而無歸驟移驂轉事去時悵爰東關
守儀之後南面正位之間漸改幼昧之恩偷聞故舊
之談嗚咽胸填傷嗟腸斷涉被此兮欲致瞻望則九
禁深而出入不容易抽匪石兮欲訪覽果之万機繫

而涼燠其後祖自從逐虛舟於汾水之波去宮馬於
襄城之野幽閑樂居志願適性至保延二年之曆奉
書寫五部大乘經擊其勝日資彼正覺定和遠離五
濁流轉之鄉優遊一實真如之界者欤方今志之至
萬誠之最深重修慧業專抽精勤仍奉造立皆金色
等身釋迦如來像一軀奉手自書寫金字紺紙妙法
蓮華經一部八卷無量義經觀音賢經阿彌陀經轉
女成佛經各一卷夫為悲母說法者大師世尊也故
命奇肱以顯此像令女人成佛者一乘妙典也故課
眇身以書此經為斐白毫之相遙傳于闐之功紫磨

黃金之文自慣齊帝之跡又奉撰寫素紙妙法蓮華
經十部八十卷開結二經阿彌陀般若若心經等各十
卷便擇曜宿於小暑之候敬懃供養於大法之儀所
排者擯俗之離宮也勝絕恣名所囑者開士之東箭
也辨說拭舌更展五日之誦肆以企十座之論談尚
夏天而叩疑永歡喜海之浪湛、先秋風而撫義實
逍遙園之林森々彼智大師之誦妙文也靈山之月
通光梁高祖之設法會也建陵之宮聳色非啻四衆
之驚目又救已親之旅魂作善之熱古今惟同仰願
一代教王釋迦尊平等大會法苑經照視懇念之冲

襟引攝幽儀於淨刹既往之愛習猶殘若未漸煩惱
之客塵今日之善業相感速令證菩提之妙果莫逗
留化城之間直得至寶處之境抑弟子厭有漏入無
為便是真實之報恩也又皇帝子贈后寧非宿善之
機緣歟然則繼卜仙人洞雖期向後無疆之遐筭遂
生一佛土奉拜今世不見之慈顏功德有隣利益不
報敬白

久安四年六月

日弟子沙門敬白

作者永乾朝臣

御逆修御願文

三七日

弟子沙門諦誓首和南向佛啓白極樂娑婆為同居
焉念之則十萬億之境界易往煩惱菩提不異躰矣
悟之亦貪瞋癡之垢塵無殘信迺每憶妙理弘動善
心者也弟子幼日而受皇恩菲薄謝德壯年而辭帝
位謙退守蹤沈塵寰遁俗之後雲鬢落飭以未去宮
馬而樂懸解之心輒屠羊而營出離之業指無何而
卜棲偷訪仙於無疆觀有為而凝思猶願人命之
有限彼軒轅治世之運一百迴難駐登遐之駕贊頭
生天之期八万劫豈免待終之哀是以我昔雖膺萬

國之貢珍我今雖為一人之慈父世間之榮樂離深
著也顛沛只寄意於不退轉之法輪天下之威權比
錙銖也順次偏慕生於無量壽之佛土側聞逆修功
德其福甚多追善慧業所獲不幾仍廿一日之際三
七日之程准中陰而展誦迄祈前路而植善種開白
日奉造立皆金色三尺阿彌陀如來像一躰奉書寫
金字妙法蓮華經一部八卷無量義觀音賢等經各
一卷奉模寫墨字同經八部六十四卷開結等經各
八卷第廿七日奉圖繪阿彌陀如來像一鋪奉書寫
金字阿彌陀經九卷奉模寫墨字妙法蓮華經一部

八卷開結等經各一卷第廿七日佛經同前第廿四七
日佛經同前第廿五七日奉圖繪阿彌陀如來像一鋪
奉書寫金字光明經一部四卷觀無量壽經一卷
奉模寫墨字妙法蓮華經一部八卷開結等經各一
卷第廿七日奉圖繪佛像同前奉書寫金字阿彌陀
經九卷奉書寫墨字妙法蓮華經一部八卷開結等
經各一卷結願日奉圖繪阿彌陀如來像一鋪奉書
寫胎藏金剛兩部種子曼荼羅一鋪金字妙法蓮華
經一部八卷開結等經各一卷阿彌陀經九卷奉模
寫墨字妙法蓮華經廿一部百六十八卷此外十四

箇日之間每日死於陀佛一鋪法華經一部因繪之
模寫之兼又自開白初至結願日臨曉而行法華懺
法隨喜之羨露衣迎夕而讀弥陀經文解脫之聲滿
耳又焚香三口之淨侶結密印瑜伽三壇之護摩勵
精勤日々致三時之供養念々暎寸地之懇款執徐
之歲閏餘之月就顯密以開誦翻說備香花以供敬
合學群錫在座高僧接禮齋會之儀於焉盛矣於戲
若令得弘法之益者縱委身而千年為床唯命是聽
若可熟成佛之果者縱增壽而億載加竿我願何怠
仰請蓮眼照見棘心十善者往劫之目也本稱北闕

之主九品者當世之望也遂列西方之尊凡厥上自
有頂之上下至阿鼻之下皆拔罪根併聞覺業敬白
久安四年閏六月十日弟子沙門敬白

作者茂明朝臣

天王寺佛逆修佛願文

弟子沙門 就首合掌白佛而言夫以弥陀善逝
者西方之教主也為度眾生設九品妙臺聖德太
子者南岳之後身也為弘佛法起四天王寺十萬億
之世界雖遙願力通而易往五百迴之春秋雖過製

造遺而不悛見其榜額相當彼土之東門謂其勝形
為我朝之甲地弟子具茨占樓之時斗數運步之次
初祀聖跡隨喜之心偷動屢拍數襟信向之思忽催
自今以來殫善根於其庭結種熟脫之因緣求菩提
於此處慕戒定慧之知見精勤積焉薰修久矣方今
無射欲闌之天有為如幻之世殊專渴仰重以幸臨
棹葦舫西南去則一道之河水浪冷入蒲葦而西望
八万里之海潮雲但對落日兮攝念致發露兮凝觀
遂企一旬之止宿唱百万遍之佛号殊營七日之逆
修懺無數劫之業障仍初日奉圖繪壽身阿弥陀三

尊像一鋪奉書寫金字觀無量壽經一卷素紙妙法
蓮華經六部開結二經阿弥陀般若心等經各六卷
阿弥陀經百卷第二日第三日第四日第五日第六
日各奉圖繪同如來像一鋪奉書寫素紙妙法蓮
華經一部八卷開結經阿弥陀般若心等經
各一卷阿弥陀經百卷至于第七日者辰顯密二座
之齋延引龍象數輩之淨侶先奉圖繪兩畧曼陀羅各
一鋪奉書寫金字妙法蓮華經一部八卷無量義觀
音賢阿弥陀般若心經各一卷奉摸寫素紙妙法蓮
華經十二部開結經等各十二卷便屈當寺別當權

僧正法印大和尚位行慶為大阿闍梨耶摩十二口
讚衆整真言教之軌儀復次奉回繪等身阿彌陀如
未像一鋪奉書寫金字觀無量壽經一卷素紙妙法
蓮華經一部八卷而結經等各一卷阿彌陀經百卷
招鷲子鸞勤之碩學振懸河潤石之辨才供養殷勤
裕恰鄭重嗟乎全得之功德者莫過此善靈驗之精
舍者不知此奇故去乙丑之曆於焉始開十箇日之
道儀今戊辰之年於焉又設七箇日之法會加之朝
修半行半坐之懺法夕誦念佛念僧之真文於陀一
壇之護摩苑每日以勤行之穉尊數粒之舍利疑寸

地以供養之抑施燈功德經云若人於佛塔廟施燈
明已得四種光明又得八種可樂見於諸佛得勝果
報不可算數目茲就七廣道清淨之道場舉万點照
耀之燈明青苔砌下疑象星之聚光白石水邊迷亂
螢之浮影以供十方之佛陀以照六趣之幽冥凡厥
作善併資妙果仰願當奇三寶護世四天哀愍聽許
悉知證明我若不謝紫闈之尊豈敢得到轉法輪之
地矣我若不列空門之侶豈敢得訪成正覺之道焉
料知依宿福之機緣滿今世之善願者也然則無遮
廣大之齊會迴向不限決定出離之欣求當未何疑

一朝緣盡之時萬歲臨終之刻於陀種覺垂乘弘願
而來迎救世觀音垂大慈而引攝必任正念之不乱
必遂順次之往生懇望非他世尊照視乃至法界平
等利益敬白

久安四年九月十五日弟子沙門敬白

作者永範朝臣

如法書寫大般若經發願文

蓋聞駿河國富士山者峻極之峯靈勝之地也仰望
其高不知幾萬仞行願其下遠亘數千里舉世罕能

登陟非神誰敢遊居爰有比丘僧名稱末代食無求
甘動絕粒以送日衣是狀粟終裁麻以禦寒數度攀
彼山巔一心發悉地之願：書如法一切經奉埋靈
嶽旁導結緣諸衆生令殖善根遂勸進東海東山道
之州民更繕寫大乘小乘等之經典經律論并賢聖
集四千六百九十六卷是妙終功卷數愍部其錢六
百餘卷蔡倫之紙雖有餘剝草聖之筆無加點書是
以遙凌万里之客路忽來九重皇城遍催位尊卑之
信士欲書悉究竟之真乘弟子憐慇懃之懇款抽隨
喜之精勤且為發二世之願求且為致一天之靜謐

奉請大般若經一部新建淨室殊書華文宛卷軸於
芝砌之陪臣託付書寫於東門之禪侶此外般若心
經一卷尊勝陀羅尼一遍助身疑不退之恩守如說
之儀乎自所奉書也抑弟子奉為帝者之慈親早列
牟尼之遺弟外迴安社稷之計內專興隆佛法之
心夫如法一切經者倭漢未聞企願之人古今已歎
修因之彙我渴仰此功德我增進其慧業迺知往劫
機緣之合然豈疑宿生菩提之可證然則百年之後
預弥陀之迎攝三會之初值尊尊之出生乘弘願力
得宿命通揚此經之妙題省今日之善事如智大師

記靈山於前會羊叔子戴金環於後身者欲凡厥助
以之輩見南之衆永離惡趣皆到淨刹發願如伴

久安五年五月十三日

作者我明朝臣

天王寺念佛三昧院供養佛願文

夫以震旦之顯宗皇帝拓一僧伽藍白馬傳其軌躅
矣本朝之聖德太子建四天王寺青龍致其潛衛焉
佛法之流布倭漢之盪觴也然猶功德之殊勝不若
斯地靈異之佳趣尤在斯場西則蒼海之波渺濤寄

眼於極樂之東門傍且白石之水清冷比味於莫春
之上藥可以得不老之驗可以遂易往之望况碎身
數粒之舍利神變施于世界五重一基之塔婆妙光
遺于露盤亨之希夷不可說盡者欽弟子北闕謝位
之後南山問道之次讀石碑以禮聖趾焉初知釋迦
如來轉法輪之處入金堂以拜尊容矣忽結救世觀
音度衆生之緣菩提心之淚空霑解脫今之善立感
自余以降年々致恭詣念々專精勤或唱百万遍之
佛号或挑千万點之慧燈或修舍利會或行造修善
凡厥功能不遑具記此砌未全者唯梵宇而已爰凝

中悃之精誠營仁祠之壯麗旁命射山之群僚廣採
鄧林之良木各加一椽迺合衆力斯非吾力之不堪
欲令人心而与善也迺寺門之側精舍之邊建立檜
皮葺六面四面堂舍一字奉安置皆金色三尺阿弥
陀如來像一龕此佛者有一上人名曰圓聖為修勇
猛之念佛本所造立之尊像也其念佛之為龕也每
月分衆每旬定番上都下邑之尊卑信向歸依之男
女益勸進者寔繁有徒專致晝夜不斷之勤行漸積
星霜數週之薰修今安件像更移彼儀盡未來際敢
無退轉又奉書寫金字妙法蓮華經一部八卷無量

義經觀音賢經阿彌陀經般若心經等各一卷奉撰
字素紙回經廿部南結阿彌陀般若心等經各廿卷
于時玄冬素曆之天清淨幽邃之地新迴仙躡敬展
齋筵啜當寺別當權僧正法印和尚位行慶為大
阿闍梨耶二十口之禪侶薜蘿連襟秘密教之壇場
香花整供魚貝振聲鸚鵡群從爭抑弟子者万葉之本
主也輒不可位逆旅之行二帝之慈父也更不可位
俗流之輩然而輪迴分段之境誰人非骨肉焉廣劫
多生之間何處不經歷矣縱誇今世之尊崇盍願當
未之果報目茲滌緇襟於素門之露屢修西門之念

佛繫素意於華界之凡深憾下界之依身豈謂忘尋
常之儀度乎偏為慕順次之往生也伏乞彌陀種覺
救世觀音哀愍聽許知見證明一念無他所仰者大
慈大悲之弘誓万歲有限所期者上品上生之來迎
重請隨喜結緣之貴賤殷勤同志之道俗併開一善
俱證三明乃至鐵圍砂界利益無邊敬白

久安五年十一月十二日

作者永範朝臣

天王寺御逆修御願文

弟子沙門 講胡跪合掌而作是言 河陽春花開敷之
粧露脆淮南秋葉灑落之聲 而寒覽景色之易遷 察
盛衰之所託 夫然人何世而弗新 世何人而能故 北
鬱單之千歲 遂知有限焉 南瞻部之百齡 尚是無定
矣 况二三箇年 以未朝夕 近習之輩 多以彫落莫不
傷嗟 每觀如幻於眼前 更罷孤夢於枕上 縱期神仙
之遐筭 豈忘生滅之常理 是以抽我之中丹 向佛而
前 白逃万乘之尊位者 不貪四海之富也 謝太上之
徽飾者 不着俗間之榮也 歸三寶之真境者 以徭濟
度之弘誓也 入一寶之直道者 以慕順次之往生也

曰 茲出離解脫之計 滅罪生善之勤 修而有數 不遑
具說 佛說其無虛妄 我願何不成 熟然而未斷 惑之
凡夫 猶遺疑殆 成正覺之妙果 爭知必然 倩案佛教
粗披經文 若人未終 逆修善業 随心所願 勝利無量
仍忽就回 天王奇之 精舍專辰 十日齋會 之淨 迄初
日 奉造立三尺阿彌陀如來像 一肘奉書寫金字妙
法蓮華經一部 八卷 並量義觀音賢經各一卷 奉摸
寫素紙妙法蓮華經六部 開結二經 各六卷 阿彌陀
經百卷 第二日 奉圖繪壽身阿彌陀如來像 一鋪 奉
摸寫素紙妙法蓮華經一部 八卷 開結二經 各一卷

阿彌陀經百卷第三日第四日佛經同前第五日奉
造立三尺阿彌陀三尊像各一軀兼彩雲兮並座坐
滿月兮顯容奉書寫金字觀無量壽經一卷奉摸寫
素紙妙法蓮華經一部八卷開結一經各一卷阿彌
陀經百卷第六日奉圖繪考身阿彌陀如來像一鋪
奉摸寫素紙妙法蓮華經一部八卷開結二經各一
卷阿彌陀經百卷第七日第七日第八日第九日第十日
日者佛經同前但以第十日死七七日至真言供養
之佛經者目錄不載之旨趣又在別此外修每日一
壇之護摩懺贖劫多生之業障方今季月之秋中旬

之候致臨幸於露地整供養之風儀沙砌一襲之菊
折霜色而擎句海岸梅檀之香託浪聲而送氣釋迦
如來昔轉法輪之境也故無滯于酌法流聖德太子
始弘佛教之場也故有蹤于植佛種於是修善不亦
悅乎仰願於陀善逝救世觀音哀愍納受知見證明
抑逆修殊勝之慧業已及六度之精勤順次決定之
往生唯位七分之全得又唱百萬遍之念佛屢翻十
三度之懇誠一稱南無之力無空况積多幸之薰修
九品西方之望不緩宜垂來世之引攝當千萬歲臨
終之甚刻必位一心不乱之正念日視菩薩聖衆之

未迎身備功德莊嚴之妙相凡厥法界利益不限敬
白

久矣六年九月十一日

弟子沙門敬白

作者永範朝臣

同仰逆修結願祈願文

弟子沙門 敬白 夫遊睢渙之水者藻績習練入芝
蘭之室者馨香薰衣誠乃隨土地之宜得陶冶之利
者也是以暫辭九重干城之幽居忽詣四天王寺之
淨域入境向夙先聞佛法之流布臨砌蒞露將斷煩

惱之塵機止宿涉自禮瞻累日拂苔庭而展逆修之
齋席抽棘府而竭渴仰之冲襟於焉修當未之良日
豈敢疑順次之證果今當結願之日敬整秘密之儀
奉圖繪胎藏金剛兩部曼荼羅各一鋪奉書寫金字
妙法蓮華經一部八卷無量義經觀普賢經各一卷
奉模寫素紙妙法蓮華經十二部開結二經各十二
卷唵當寺別當權僧正法印大和尚位行慶為大阿
闍梨耶二六之禪侶唱明讚以周行鸞鷲之群卿陪
扈從以隨喜齊會之趣騎矣盛哉抑每日供養之佛
經底露慙慙之旨趣開白之初甄錄先了我願云滿

佛其證明於戲國母之同幸臨也致追隨於信向之意
天子之專孝敬也慰旅思於諮問之詞况弟子適黃
屋而廿八迴着緇襟而一十載占幽栖於裏野宮馬
永去焉求直道於空門法輪鎮轉矣其間日々之善
根隸首不能記斯時万々之功力竿師不能量繼遺
往劫之罪霜盡消遍照之慧光然則必依今度廣大
之善決定順次往生之望乃至令擾々之群萌攀如
々之黨慕敬白

久安六年九月廿日弟子沙門敬白

作者永範朝臣

十日御講御願文第六度

側聞八万四千之相光明月圓開示悟入之文真如
花覆弥陀誓願超過于諸佛妙法功能冠絕于餘經
者欣伏惟軒皇克高之道非不羨焉嫌猶隔十号之
位輪王釋梵之家非不嚴矣恨未出三界之塵是以
早辭絳闕之尊虛舟追跡遂脫玄冕之飾禪門容身
幽閑者性之所好也無何占栖安養者心之所望也
不捨滯誓于朝于夕唯善營之送日送年外累忘之
夫六趣擾々之群類者多劫世々之親知也擬五欲

於五腑出離失期積六塵於六根流轉無際欲拔其
業障無勝于十力欲破其昏暗無先於三明故屢修
千日之誦演既致多歲之精勤方今懇念之餘終而
復始仍奉造立皆金色三尺阿彌陀如來像一軀二
尺觀世音菩薩像一軀於陀則耀白毫之光觀音足
乘紫雲之色奉書寫金字妙法蓮花經一部八卷並
量義觀普賢阿彌陀般若心等經各一卷即以今朝
為其初日供養恭敬尊重讚歎又奉圖繪阿彌陀如
來像千鋪每日一軀敬以肉眼之奉摸寫素紙妙法
蓮華經百部八百卷無量義觀普賢等經各百卷阿

彌陀般若心等經各千卷每日一卷各以開題之供
花何求勇陀之報矣更開合掌之中焚香豈尋梅檀
之氣焉專薰唯心之底於戲莫歎西方土之遠觀則
在胸間且抽南護佛之誠念必現眼眉取感應於心
尺仰利生於自他伏願於陀種覺妙法華經迴慈航
於苦海之逆浪悉通六度之津梁馳慧轡於邪山之
險途旁開一乘之軌轍凡令胎卵濕化之四生併覺
煩惱菩提之一理抑自保延二年之暮春至久安六
載之初冬漸送十五迴之光陰將及六千座之演說
迴向遠分雖資慧業於化他功力莫大定有勝因之

歸已然則向後不限強伴薰修於遐齡當來無疑決
定往生於順次一心之至三寶捨諸習首和南敬白

久安六年十月七日

作者永範朝臣

御逆修御願文

敬白

勤行逆修善根事

初日

奉造立金色三尺阿彌陀如來像一軀

同二尺觀世音菩薩像一軀

得大勢至菩薩像一軀

奉書寫金字妙法蓮華經一部

無量義經一卷

觀普賢經一卷

阿彌陀經一卷

般若心經一卷

奉模寫素帛妙法蓮華經十部

無量義經十卷

觀普賢經十卷

阿耨陀經十卷
般若心經十卷

一七日

奉圖繪九品淨土曼曼荼羅一鋪

奉書寫色紙妙法蓮華經一部

無量義經觀普賢經

阿耨陀經般若心經等各一卷

二七日

奉圖繪極樂曼荼羅一鋪

奉書寫色紙妙法蓮華經一部

無量義經觀普賢經

阿耨陀經般若心經等各一卷

三七日

奉圖繪等身地藏菩薩像一鋪

奉書寫色紙妙法蓮華經一鋪

無量義經觀普賢經

阿耨陀經般若心經等各一卷

四七日

奉圖繪等身虛空藏菩薩像一鋪

奉書寫色紙妙法蓮華經一部

五七日

無量義經觀普賢經
阿彌陀經般若心經等各一卷

奉造立金色三尺釋迦如來像一牋

同二尺普賢文殊二菩薩像各一牋

奉書寫金字金光明經一部四卷

色紙妙法蓮華經一部

無量義經觀普賢經

阿彌陀經般若心經等各一卷

六七日

奉圖繪等身弥勒菩薩像一鋪

奉書寫色紙妙法蓮華經一部

無量義經觀普賢經

阿彌陀經般若心經等各一卷

結願日

奉圖繪等身阿彌陀三尊像一鋪

奉書寫色紙妙法蓮華經一部

無量義經觀普賢經

阿彌陀經般若心經等各一卷

此外中間卅一箇日奉圖繪阿彌陀如來像卅一

鋪每日一牋死之奉模寫素紙妙法蓮花經卅一
部每日一部死之但於七日佛經者目錄在別

紙

右佛像經典甄錄如斯夫歲華推移誰遮四輪之追
節曆草迴薄自謂二鼠之侵根每觀但景之如馳何
忘浮生之有限者乎伏惟參天貳地之德在少日而
雖賁易象六龍之文及壯年而守誠自彼鎔鍊神器
以道名經緯佛法以執信襄城占極更向軒皇七聖
之道淨界懸望遙思穆王八駿之蹤遂當永浴辛酉
之寶曆忍深如未弟子之緇襟與向屈指以計顏齡

則百迴之春秋及半疑念以億往事息衆罪之霜露
幾多只任慧日之照臨將消曠劫之業翳况順次往
生之願於我尤深故求菩提之心隨緣弘起所以者何
旦夕近侍之輦風夜趨拜之人頃年以來物故間聞
其身去兮今何在甚名留兮未得忘分段生死之卿
無常在眼思想虛假之境有為懺夢然則採園立之
草甯方壺之藥繼比上壽於神仙仰三明之月攀七
寶之花宜為來世之張本側聞逆修之善功德殊勝
随心所願獲其果實仍始自夏秋閑餘之天至于林
鐘溽暑之候前後相合五十箇日殊翹懇誠專展齋

席造立圖繪之佛像紫磨瑩之丹腹施之彩牋素帟
之經卷金泥書之墨字寫之加之尊勝於院之護摩
虧每日二壇之軌儀晚夕懺悔之方法竭發露三業
之愆萬千時所排者故南之安樂壽院幽奇叶性所
涕者臺上之無量壽佛誓願銘所便位仙蹤於其場
敬抽信心之匪石香衫紫綬之群卿整威儀而扈從
戒珠智鏡之禪侶振辨說而稱讚精勤不退供養無
量故漢主之圖一佛也丹青顯於南宮之月唐帝之施
万僧也梅檀薰於中殿之風慧業自起古今惟同者
歛就中七分全得之善既及七度上品速證之果豈

疑上生仰願十方之諸聖衆數部之諸經典各垂證
明成就數念弟子者北闕南面之本主也寧知有十
善之本因聖主上皇之慈親也遂益為三界之慈父
必以莫大堅固之願力住寂後之正心專依恒轉法
輪之薰修證順次之妙果我此一念佛其捨諸乃至
蠹々群生各々利益敬白

仁平元年閏四月廿日弟子沙門敬白

作者永範朝臣

同結願曼陀羅供御願文

弟子沙門諱敬白側聞經文曰普廣菩薩白佛言若
人未終逆修善業得福多不佛言普廣其福無量不
可說盡又曰無量俱胝劫所作衆惡罪見此毘陀羅
消滅盡無餘善逝實語深銘冲襟伏惟在位之昔御
俗之時万姓所愆更歸咎於己九律所設自加法於
民情憶政理之繁機定結流轉之業細於是脫履黃
屋染衣玄門已來以讚佛乘為造次之營以成心覺
為寤寐之慕四十九迴之年齡悟前非於賢哲之詞
百千万劫之罪障任追悔於弥陀之誓况三皇皆如
水中之月四生悉類風前之花近視遠聽所觀者無

常之理送昨迎今所懺者有待之卿以思無益不若
修善仍自閤餘四月之仲旬至晚夏六月之上旬殊
准身後之中陰專修眼前之大會日又善根暗々行
業情丹之翹啓白先畢方今當第七之日奉因繪胎
藏金剛兩部曼荼羅各一鋪奉書寫金字妙法蓮華
經一部八卷無量義經觀普賢經阿彌陀經般若心
經等各一卷奉模寫素紙妙法蓮華經廿部南統二
經阿彌陀經般若心經各廿卷便飭冥言之壇場敬
展供養之齋席喏天台座主法務大僧正法印火和
尚位行玄為大阿闍梨耶二十口之方袍梵唄唱響音

秘密教之圓象深奧整儀九版五十箇日之間佛經
供養之外作善有數錄而不遑法華妙典之轉讀已
及一千部弥陀光明之神咒各滿百萬遍或設大施
以賑貧困之輩或行放生以安鱗介之居加之三衣
什物之竭財寶也其奈大王戒日之前蹤霞冷渴浴
之及山林也孰与首陀會天之淨業所生功德併資
菩提伏乞兩部諸尊大乘經典必依逆修七度之精
勤決定順次九品之往生從此之外無復所求於戲
大隗者自然而存焉繼樂無何以問至道女養者去
此不遠矣將馮易往以期來迎乃至盡空法界之群

類同預出離解脫之勝因敬白

仁平元年六月九日

弟子沙門敬白

作者永範朝臣

白河東御堂内御塔供養御願文

敬白

建立多寶塔一基

四面扉圖繪十二天像

奉安置金色三尺釋迦如來像一尊

同多寶如來像一尊

奉書寫金字妙法蓮華經一部八卷

無量義經一卷

阿彌陀經一卷

般若心經一卷

奉模寫素紙妙法蓮華經八部

無量義經八卷

觀普賢經八卷

阿彌陀經八卷

般若心經八卷

右塔婆佛經造寫如斯側聞五智圓滿之月遍照盡
虛空之端倪大悲方便之風旁及法界海之邊畔隨
焉真際不可得稱伏惟早在鳩車之齡謬極龍圖之
運十有六迴之間右社稷尤宗廟一日万機之處決
賞罰明弛張蓋寧由我朝之恒典暫忘佛界之正曰自
其茂岫訪蹤萊門編藉以來逐虛舟以樂陶放何有
煩波之入南歸真乘以求出離宜無俗網之繫意也
而大上天皇者長嫡也今上陛下者少子也皆幼而
嗣聖曆未識而應休符朝之政理寄諮詢於一身國
之安全致訓導於二代曰茲雖凝觀於水月未交跡

於山林戒行之窓下泊鉢易傾禪念之床間塵紛難
解思而涉年自然至老夫塔婆者滅罪之功殊勝證
果之緣太速無量壽經曰佛告阿難十方世界諸夫
人民其有至心起立塔像願生彼國其人臨終無量
壽佛與諸大衆現在其前即隨化佛往生其國弟子
自聽此教莫不伏膺爰重城之左長河之東勝形幽
兮有名區眇身傳兮主斯地臺觀之存儉約也似優
一家之產水石之避囂誼也可類九仙之陬其傍稱
精舍往年成製造之功其中營塔婆今日愬莊嚴之
美於壁朱軒秋池鏡而隱映寶鈴金鐸晚嵐樵而鏗

鏘遮惡治善之勢旦夕禮瞻之實相真如之姿造次
渴仰之加之而迄世尊之分半座矣白毫並光一乘妙
典之顯中道焉華文披帙初秋七月之候上旬四日
之朝曜宿相應恭敬供養所囑者台嶺之棟梁也為
大阿闍梨以向壇場所率者釋門之龍象也列八比
立衆以唱頌讚所生慧業併資菩提仰願一切三寶
知見證明有以散亂心入塔廟之者信力誰謂厚有
以幼稚性聚砂石之者遊戲猶不空皆結得道得果
之緣能感增業增福之益何況我心匪石弥轉法輪
於愬侍之園佛種成林弥起寶龕於淳善之地定知

依此不退之薰修必取順次之正覺者歟凡願上自
一人下至北極悉及東戶西奔之俗各誇無為有觀
之仁乃至無邊利益不限敬白

仁平元年七月四日 弟子沙門敬白

作者永範朝臣

十樂房陀羅偈養符願文

夫極樂之卓躒十萬淨刹者依為易往之境界也弥
陀之超過三世諸佛者以施不捨之慈悲也寔知彼
如來有大誓願于此衆生此衆生有大因緣于彼國

土者也弟子薛魏闕而遁帝祚落周羅而入佛道四
海之富拋而不顧觀浮雲於月前萬乘之權狀而無
貪去宮馬於象外汾陽歡月之夜猶繫望於月輪之
相洞裏賞花之時弥寄意於花臺之尊暮唯當修因
之善寤寐偏慕證果之緣方今冬之初月之仲旬
設十日之齋會企數箇之慧業奉造立皆金色等身
阿彌陀如來像一軀同三尺觀音勢至二菩薩像各
一軀瑞巖瑩黃金之姿來迎乘紫雲之軀毗首宛巧
開眼終功奉因繪六幅極樂淨土變相一鋪同變相
十卷摸十樂也奉摸寫墨字妙法蓮華經十部無量

義觀普賢壽經各十卷阿彌陀經十卷奉書寫金字
觀無量壽經阿彌陀經各十卷此中尊像經典今日
所供養者彌陀三尊六幅變相一鋪聖衆來迎樂相
一卷墨字法華經一部阿彌陀經百卷金字觀無量
壽經一卷阿彌陀經一卷是也其幾十樂相比後九
今日死一卷於一日次第所稱讚也於經王者如初
日而分卷數當每朝而揚題名又唵七口之大比丘
衆行一座之阿彌陀誦日口說十樂之功德念口祈
九品之往生於戲無始之彌密繼難消有為之垢塵
繼未擺若附大悲之驢尾何遠十萬億土之路若隨

廣度之船師定棹六八願海之波然則白毫慧光垂
來感於一念之中青蓮寶座催迎攝於百年之後遂
令順次生必託安樂國凡厥蠢蠢之群迷一之利益敬
白

仁平元年十月十六日佛子沙門薛敬白

作者茂明朝臣

六十日大般若御講御願文

夫大般若經者盡性虛融之理熟蘊味濃畢竟空寂
之門甘露潤普須臾運心功力歷呼劫而不古剎那

持念利益苞萬品而長今實相妙用遼矣大哉弟子
遜皇位而三十載入佛道而十二年棲是茨岫之居
一百之壽筭半至身息松門之侶二八之想觀久擬
以厭俗敬以攝塵垢然猶三聚淨戒之中十重禁戒
為本十重禁之中不教生為先不教之戒吾豈敢乎
所以者何四海為家之首河伯之民入貢百官分任
之時山虞之職宰賦加之一面遺網於殷鄂三章立
法於夏臺其間罪障自然而在然則梵網經所說之
教曰殺緣教法教業難逃難免可謝可懺爰般若理趣
分云佛告金剛手菩薩等言若有得聞如是般若波

羅密多甚深理趣信解受持讀誦修習假使教旨三
畧所攝一切有情而不由斯墮於地獄傍生鬼界以
能調伏一切煩惱及惡業故常生善趣受勝妙樂疾
證元上正等菩提者佛說不虛妄弟子深信受仍仰
證明於冲襟奉因繪釋迦三尊像一鋪擇精妙於真
手奉書寫大般若經六百卷即於尊像之前設六十
日之齋席新排禪居之側摸十六會之軌儀每一日
開一帙倍養之轉讀之昔唐室玄奘之傳廿万頌焉
致翻譯於龍朔之歲今本朝弟子之寫六百軸矣古
鴻說於鬻辰之春彼四箇年之功也就梵本而無刪

一文此二箇月之勤也滯勝目而專書一部時代雖
隔尊重惟同伏乞白佛言之懇念縱然細經之禁
戒金剛手之對揚忽顯波羅密之功能智地日齊衆
罪之霜露悉消壽域風芳万善之叢林鎮哉已得勝
妙不可說之功德里成現當無量種之願求况於順
次生必證大菩提乃至自界他方六趣四生令其中
在々之群萌併皆到如々之直道敬白

仁平二年正月十九日弟子沙門敬白

作者永範朝臣

千躰阿彌陀佛御願文

敬白

奉造立金色三尺阿彌陀如來像一百躰

奉書寫素紙妙法蓮華經十二部

無量義經十二卷

觀音賢經十二卷

般若心經十二卷

阿彌陀經百十二卷 內金字一卷

右佛經造寫甄錄如斯蓋聞西有淨刹焉稱之安養
世界中有教主矣号之弥陀如來設華臺於九品雖

十惡五逆必將迎備實相於一如雖煩惱菩提不差
別信迺易往之說無妄不捨之誓可濡者也弟子遁
蘿因昔多年列茲芻豢幾日安萬姓者昔儀也別已
誠至度衆生者今願也利他思深爰借願流轉之業
報開觀分段之曰緣從起元品之無明未知本覺之
有道德經歷于六趣四生之間空浮沉于愛河苦海之
底心地觀經日有情輪迴生六道猶如車輪無始終
或為父母為男女生々世々互有恩然則不屑自調
自度之行只獲大慈大悲之心仍為尊法界一切之
衆生里顯弥陀千瓣之形像院宮卿相勅力臣妾緇

素同心旁勸尊卑遍致配分死一歸於人別限于骸
而造立今之百軀其十之一也念々正積其功濟々
可滿其數是則非好而假人力專令吾願及廣也非
貪而惜吾財唯令人心歸真也夫堯時之民以堯心
為心舜日之俗以舜德為德与善之趣其義在焉然
而彼樂聖歆猶忘上求下化之正理此期佛果共結
出離解脫之良緣方今大呂仲旬之候吉曜良辰之
朝殊排寶莊嚴道場敬展真言教之齋席唱導之師
手結秘印梵唄之侶口致緝揚慧業莫大世尊納受
伏願無盡無餘之群類皆攝入白毫光之中三千大

予之含生併列導金繩界之上重請尊像彫刻之章
私願隨喜之者各除多生劫之罪同逐成正覺之望
况乎迴向無限之故更知勝因之難籌量薰修不空
之故豈疑證果之在順次凡厥與無邊諸衆出得往
生一佛土敬白

仁平二年十二月十八日弟子沙門敬白

作者永範朝臣

熊野金泥一切經供養初願文

敬白

本書寫金字一切經律論等事

大乘經二千三百九十五卷

小乘經六百十七卷

大乘律五十九卷

小乘律四百四十六卷

大乘論五百十五卷

小乘論六百九十六卷

已上四千七百二十八卷

右經律論等敬於熊野本空所奉開講演說也夫以
一代正教者藏通別圓半滿之法文也三所權現者

張陀藥師觀音之垂跡也高山平地之說矣傳西
天以弘我朝和光同塵之誓焉占南海以拓靈巖佛
教神化稱謂雖異利生方便力用惟同者也弟子早
先綺歲忝握羅罔德薄而慙蒼昊之心功成而守玄
元之誠訪栖姑射猶謝太上皇之徽名問道禪門偏
列入中尊之遺弟凡厥遜讓以未三十箇載念々抽
誠於當山年々運步於斯砌履危赴嶮遙凌万里之
行程嗽泉浴河專致數日之齋戒前後之忝詣更及
廿一度信向歸依之恩時而無休財法施与之勤日
而匪懈然問二代之皇興致存行万機之諮詢動驚

禪念誠是蒙權現之加護介眇身之景福而已爰康
治癸亥之曆行年卅一之春殊陪寶前偷發大願我
及丹心祈請之春秋奉書金字一切之經論感應不
減其奈予止水之濁形報賚竭誠孰與于虛谷之通
響仍仁平第三之年矣鍾和暖之候詣苔壩兮展華
造瑩金文兮列玉軸四千餘卷之妙典字々赫弈三
十二口之禪徒聲々稱揚壘舞樂而供養之唱梵唄
而讚嘆之于時山鶯百囀旁澗歌詠之曲洞花四開
更助幡蓋之旋宿念云盈不其悅乎凡厥書寫金泥
一切經今度相并至于再訪之異域尋之本朝古所

不聞今所不聞也况就此地修此善事絕常篇名標
奇記權現定垂證明梵釋宜施擁護者欣首漢武皇
帝登泰山而探金齒之秘策今魯思眇身詣當山而
寫金字之諸經彼則驗八十年之齡然獨忘末世之
妙曰此已成一大事之願亦須資當生之證果於戲
酌麗水兮疊偃波即是慕八功德池之遊泛也訪林
邑兮彰華偈寧非飭七重寶樹之莊嚴哉善根最廣
大往生何成疑必於順次生不隨惡趣直往極樂土
證得菩提乃至大藏圍之緣遍恒沙界之表裏在々
群類各々引導敬白

仁平三年二月十四日弟子沙門敬白

作者永乾朝臣

十日御講御願文第七度

蓋聞煩惱海深秦日之槁失用癡暗山疊夏年之權
何為但掉六度之船則能凌其逆浪載胎四念之輪
急速超其嶮途極聖妙力不可得稱者欲弟子皆是
帝闕之至尊也萬姓撫育之仁豈忘今則釋門之法
侶也衆生濟度之恩弥深南天上快樂矣憐五衰之有
期願人中果報焉悲三毒之不免其餘四趣奈何大

苦或屠肌於火血刀之間或沉身於那落迦之底惡
業未盡出離難得善緣未逢輪迴無窮救此罪者敢
讓誰人拔彼苦者唯在我願是以數度開千座之講
演殊以資六道群類殷迴向之誠居諸屢積周遍廣
大之善利益定覃然猶舍衛三億不聞有佛之名娑
婆風塵恐遺無性之類行不嫌一闡提為入八正道
重展千日之梵筵更抽五內之匪石便當開白日奉造
立三尺阿彌陀如來像一龕黃金瑩容二尺觀世音
菩薩像一龕紫雲繞座奉書寫金字妙法蓮華經一
部八卷無量義觀普賢阿彌陀般若心等經各一卷

供養恭敬稱讚歸依于時迎爽則之候三日商飈未
冷先靈足之期四朝漢月西嶺又奉回繪阿彌陀如
來像一千龕奉寫素紙妙法蓮華經一百部八百
卷無量義觀普賢等經各百卷阿彌陀般若心等經
各千卷佛是每日一龕開眼之經各每日一卷演說
之抑知恩報恩之孝行者內典外典之紀綱也
祖父法皇先妣贈后尊應最初引攝之願力共證
不遷淨妙之菩提所以佛種從緣起德亦從教出之
故也夫物有始終世不牢固近視遠聽誰信神仙不
死之方存少亾多自請分段無常之理况乎枕上叢

夢燈下凝觀屈指而計行年攝心而默世事一百二十者上壽也我已餘五旬八億四千者妄念也我又懺衆罪所樂者汾陽之秋水追陶放於堯帝之遊巧羨者安養之脫雲任任生於弘陀之願伏乞數軀之尊像數部之妙典施末法偏增之利生感順次決定之妙果既往千日之誦說前後七度之精勤相并薰修圓滿宿念必与無盡無餘之群萌同詣上品上生之寶刹莫擇飛沉莫指輟動皆悉極之皆悉導之祝首和南敬白

仁平三年七月日弟子沙門 敬白

作者永範朝臣

奉為 堀川院御八誦御願文

蓋闡明王以孝治天下先示敬親之弗忘釋尊以教弘人中猶說報恩之殊勝內外格信向于意伏惟堀川先帝道陳五帝之上德在三王之右日月所照感子育以歸仁舟車之所覃過亥步以嚮化自從格岫雲慈葭反年積時代屢遷風猷傳政李之跡繼嗣永啓靈頌遺行葦之嘉弟子鶴禁守器之旨在幼孩而未識焉鴻業承統之時隔聖容而無見矣聞之偷

傷星霜幾迴思而徒過志願未遂然間褰裳黃屋染
衣玄門以降陶計眇身之年齡知命云過情願
先帝之慈愛多生難荅於戲一日三朝之禮雖恨陶
西伯昌之舊規謝德報恩之誠不若仰南謨佛之本
誓仍奉造立皆金色三尺釋迦如來像一幹同阿彌
陀如來像一幹奉書寫金字紺紙華嚴大集大品法
華涅槃等經各一部敬唱十一口之高僧專展六箇
日之齋席處則鳥羽勝絕之離宮時名鸞辰法洗之
季節茂願初日供養整儀伎樂歌詠之合曲也人天
驚聞梵唄鐘磬之混聲也象馬豎耳其後五日論談

究蹟決義測者為誰寧非僧壇之冠冕哉叩理窟者
綏侶皆是法門之樞鏡也方今池塘繞以森滂應迷
昆明之春色葦館列以穹隆其奈閨風之晚望便位
仙躡於此砌殊營道儀於其中太上天皇同迴翠蓋
之輦國母仙院更移錦帳之居加之山玄水蒼鳴環
珮而扈從鳥聲花色助莊嚴而交加鄭重之趣猶矣
感乎彼隋煬帝之訪文帝矣現光明於一佛之尊容
唐高祖之報太祖焉竭精誠於七日之齋會振古有
之誰敢間然仰願釋迦彌陀二如來究竟甚深諸大
乘知見證明哀愍聽許都以此慧業偏奉資菩提首

是紫宸殿之本主也仁風遠扇今則金方剎之新佛也
也覺月忽暗凡鐵圍大鐵圍沙界恆沙界功德有隣
利益不限敬白

仁平四年三月廿日弟子沙門 敬白

作者永範朝臣

金剛心院供養御願文

敬白

建立瓦葺二階三間四面堂舍一宇

佛後障子表裏圖繪虛空繪并靈鷲山四面

扉圖繪八相成道儀式

奉安置皆金色一丈六尺釋迦如來像一軀

同八尺普賢文殊二菩薩像各一軀

五尺五寸四天王像各一軀

建立瓦葺二階九間四面堂舍一宇

母屋柱圖繪極樂曼荼羅

四面扉圖繪九品往生儀式

奉安置皆金色一丈六尺阿彌陀如來像九軀

奉書寫金字紺紙妙法蓮華經一部無量義經觀

普賢經阿彌陀經般若心經各一卷

墨字素紙妙法蓮華經百部無量義經觀普賢經
阿彌陀經般若心經各百卷

右堂舍佛經甄錄如斯蓋闡極聖隨機通聲教於百
億大慈加物振慧力於三千玄之又玄者利生之門
也善之至善者濟度之道也釋乾冲旨不可得稱者
欽夫當子城之南極有離宮之甲勝山則疊蓮峯四
絕之黛池名綿蓬壺万里之波聞經始於往日已暨
于七十載訪勝概於當時更被于十二州弟子遜讓
以降傳主斯地幽閑適性擬唐堯之遊汾陽出離羞
心同周穆之求淨畧雖有平原廣澤長禁漁獵之戲

雖有歌榭琴臺無成染着之思亭拓奇塔於其處偏
崇佛法於其中方今仙居側畔相去數步風流富美
量趣得宜比之小有洞起以大伽藍重築峻宇之揮
晴漢也連基接麓壁璫珠軒之映朝陽也右平左城
何唯祇陀洹五百之樓閣究壯麗於神功喜見城西
南之道場任嚴虧於天匠而已刻于時素高八月之
天白露上旬之候准公家之齋會整道儀而倍養便
迴仙躡於此庭殊翹精誠於中府太上天皇裝翠輦
而臨華筵國母仙院移錦茵而抽丹悃台槐茂蔭二
八之臣周行從事頌讚梵音百餘之侶夏藹列襟况

乎正珠砌兮奏樂懸晚泉韻鼓苗之聲傍碧沼兮翻
舞袖秋水浮錦繡之影今日之儀猗哉盛矣抑細觀
前修情願往事大昊少昊之日月光陰不駐炎帝黃
帝之春秋甲子暗遷德軌盛德於竹帛空忘勝日於
蓮臺如弟子者不屑万乘之尊權不貪四海之貢賦
早入一實之道專取六塵之鄉多年所修者讚佛乘
之因恒時所營者成正覺之業證得菩提非無所恃
但在位當初馭俗之商廣績難和定招齊民之答三
章有法猶遺夏臺之寃加之翊二代幼弱之君万機
諮問之礼世事為之相侵空觀由甚易素觀悔之

思造次不休是以新建二階二字之精舍更安大悲
大喜之佛陀闍名号者已是菩薩焉故礼釋迦三尊
之像仰誓願者必關引攝矣故頭陀九躰之容然
則多劫經歷之業障於焉消除順次往生之懇望遂
以成就伏冀三寶境界知見證明慧業所尊先資誓
團九五之位無動乾坤之德遙施上皇國母藩王公
主皆保金石之壽永樂花月之遊羣夷盡歌靜謐之
治世草氓房誇稼穡之有年重請上本扶功之人加
藍隨喜之葦同辭煩惱之樊籠共到淨妙之國土乃
至六趣回生離苦得樂敬白

仁平四年八月九日弟子沙門 敬白

作者 永範朝臣

同咒願文

娑婆安養	異處同居	煩惱菩提	如水与冰
念之易往	在咫尺程	悟之無疑	證究竟位
禪定仙院	道九五尊	藐姑射山	送卅餘曆
身厭塵累	早拋万機	首落雲鬢	偏崇三寶
依天与美	皇統繁昌	為心歸真	佛緣純熟
寔知往劫	宿福令然	集德當時	修回所致

是以造次	弥於善根	就中方集	將聞覺葉
城南勝地	路外名區	爰有離宮	号曰鳥羽
風流當美	水石蘊奇	傳以古栖	樂以涉歲
去此數步	換日企功	自念二廻	齊雲結構
瓦葺堂舍	二字二階	金色尊顏	端嚴端正
一字安置	丈六釋迦	八尺普賢	文殊師利
五天五丁	造回天王	左方右方	加諸尊像
鑄佛後障	崎壘中央	圓靈鷲山	摸虚空會
此外四面	每各々扉	其裏八相	彰一口樣
一字安置	丈六弥陀	九幹刻彫	莊嚴微妙

又極樂界	其房荼羅	訪佛土儀	畫母屋柱
四面靡繪	九品臺迎	五彩煌々	象色爛々
百部墨字	一部金泥	寫法花經	施入本點
上毫並影	離雲月圓	玄乘繡文	穿波蓮淨
南呂之律	上旬之天	洒掃道場	敷設梵席
百九口侶	唱魚唎音	十六族卿	移龍尾列
舞態姍姍	看空葛姿	樂懸鏗鏘	看遊釣夢
即位仙澤	更幸仁祠	太上同臨	國母相從
林慮沁水	孝敬抽誠	錦袖羅裙	接近分座
道儀整矣	願永福焉	當順次生	脫流轉業

信力堅固	脂不退輪	祈請慇懃	資無上果
重擊白法	奉祝紫宸	俗及鴟均	化侔儀氏
合志之輦	上下泰平	結緣之人	遠近安穩
伽藍難朽	起億載期	信花久薰	值三會曉
影向天象	隨喜地神	信增威光	蒙受法味
凡厥六趣	乃至三途	併出迷津	速到彼岸

仁平四年八月九日

作者茂明朝臣

安樂壽院內不動堂供養御願文

蓋聞理智清淨之水不二流澄慈悲濟度之門且千
道闡住三摩地而彰化作之形除一切障而示威怒
之相不動妙用不可得稱者歟夫城南之仙洞者海
內之名區也弟子傳之為主尚矣性謝仁智樂山水
兮年多積思在空寂觀煙霞兮春幾迴當離宮之東
偏占隙土之甲勝拓精舍而安弥陀三尊之像攝塔
婆而修法華三昧之行保延之比供養先了号安樂
壽院蓋有以哉方今周牆之裏梵宇之傍建立檜皮
葺一間四面堂舍一字奉安置八尺不動明三像一
躡三尺於迦羅制多加等二童子各一躡二尺五寸

五部衣叉一躡但中尊柳身奉籠不動十九布字同
火界咒同慈救咒不空聖者不動威怒真言不動鎮
宅真言為惡沙摩種字并真言金剛界大日種字
弄真言胎藏大日種字并真言佛眼種字并真言隨
求小真言大佛頂真言菩提場陀羅尼法身真言加
護住所真言金輪種字并真言四大明王種子并真
言般若菩薩種字并真言如來慈護真言諸念怒真
言寶蓮印陀羅尼大金剛輪陀羅尼佛心陀羅尼十
二天種子諸菩薩真言兩界五佛種子五大願理趣
經一卷心經一卷已上金字書之不動種子一万躡

而界真言理想經一卷已上墨字書之佛舍利一粒
此外奉造立金色三天五寸盧空藏菩薩像一軀奉
寫色紙妙法蓮花經一部八卷無量義觀普賢阿彌
陀般若心經各一卷奉模寫素紙妙法蓮華經廿
部南法阿彌陀般若心經各廿卷便就瑜伽之密
壇敬長供養之齋席唯傷正法印和尚位行慶為
大阿闍梨耶於戲所率者龍象二十之淨侶梵唄唱
聲所擇者桃李淺深之令辰花鳥得境作善之至自
趣云何竟曦考之輝雖普照不若慧日舜河之潤雖
遠覃猶隔法流故辭帝位而慕佛位焉寧非累歲之

素意哉遁俗諦而入真諦矣寔多生之宿因也行住
坐卧寤寐造次莫不植善根莫不懺罪障薰修之無
端倪也契不能計化導之及群品也尚不能名抑粗
披聖教側聞真文不動尊者大日如來之化身也揆
智趣而退惡鬼邪魔虛空藏者明皇天子之本地也
捉寶珠而施利生方便况或有常隨加護之願離煩
惱證菩提或有臨終救助之誓得見佛辨聞法今之
所仰此誠言而已然則弟子一期在生之間永無魔
界伺隙之懼方歲終焉之刻速遂佛道證果之望必
任正念之不乱更願彌陀之來迎兼不致祈請者其

奈厥願求何伏乞大聖照視中情順次決定生安樂
國乃至大鐵圍之表裏恒沙界之緣邊併灑一味之
雨悉洗三毒之塵敬白

久壽二年二月廿七日弟子沙門 敬白

作者永範朝臣

三七日御逆修御願文

弟子沙門 誓首歸依正遍知誓首歸依妙法藏誓
首歸依寶聖衆而作是言夫就日之德雖高餘輝猶
隔淨刹薰風之化難遍清響未出塵區情憶陶唐有

虞之道不如慈悲喜捨之門者欲是以早謝龍圖之至
尊遂列鵝王之弟子以降年不常春譜色相在煙霞
之洞裏身欲更充觀落生於水月之窓前每察天時
之迴環只憐人事之倏忽厭離濁世之意於焉益深
欣求淨土之謀豈敢有怠御逆修之福業者莫大之
功德也專恃七分全得之誠言早抽七度勤行之懇
篤佛說其無虛忘我願何成疑殆然猶八億四千念
公易結者煩惱之業網造次顛沛步步難琢者戒行
之真珠發露之思追日無休仍今度永為離惡趣順
次必為生安養更展三七日之齋筵將懺無數劫之

罪障用白日奉造立皆金色三尺阿弥陀如來像一册
奉圖繪極樂勇陀羅一鋪奉書寫金字觀無量壽經
一卷同小阿弥陀經一卷奉模寫素紙妙法蓮華經
五部四十卷無量義觀普賢經等各五卷一七日奉
圖繪阿弥陀三尊像一鋪奉模寫素紙妙法蓮華經
一部八卷開結二經等各一卷二七日奉圖繪弥勒
菩薩像一鋪奉模寫素紙妙法蓮華經一部八卷開
結二經等各一卷三七日奉圖繪地藏菩薩像一鋪
奉模寫素紙妙法蓮華經一部八卷開結二經等各
一卷四七日奉圖繪虚空藏菩薩像一鋪奉模寫素

帝妙法蓮華經一部八卷開結二經各一卷五七
日奉圖繪釋迦三尊像一鋪奉寫金字金光明經一
部四卷奉模寫素紙妙法蓮華經一部八卷開結二
結等各一卷六七日奉圖繪不動明王像一鋪奉模
寫素紙妙法蓮華經開結二經等各一卷於七七日
者更注色日於別紙直設真言之密壇此外十四箇
日間阿弥陀如來每日一册圖繪之妙法蓮華經每日
一部模寫之迎曉行法華懺悔妄想之夢忽驚臨
夕唱弥陀寶号渴仰之誠於切旃蒙之昏濟暑之候
唱梵唄以稱揚之壺香花以演說之所排者洛東之

仙居左臂右臂之智德連襟所慕者及西之佛土上品上生之莊嚴繫望伏乞諸尊菩薩大衆經典哀愍聽許和見證明昔天竺大王之致齋戒焉遂得淨界如來之記前今日域弟子之設法會矣偏資順以菩提之勝曰若是遐齡之筭有限未世之期遂至則正心不乱金蓮之妙座兼跏宿念無違白牛之寶車位駕凡願薰修所冀利益不限敬白

久壽二年六月六日弟子沙門 敬白

作者永範朝臣

同結願御願文

弟子沙門 敬白夫機緣相應四悉檀之風振響念力潛通九品蓮之露凝心大悲方便不可得稱者欽伏惟九禁脫屣之後一實染衣以來情計春秋更餘五十無何之栖幽則幽焉久遊心於恬淡真如之境玄又玄也深懸思於菩提發露之志此時而切爰闡釋尊之宣說尚普廣之對揚若人善解法戒知身如幻未終之時逆修善業隨心所願其福無量善逝誠言仰而可信仍限日數於三七念佛事於顯密觀情之趣登白先畢方今當第七之日奉回繪胎藏金剛

兩部曼荼羅一鋪奉書寫金字妙法蓮華經一部八
卷無量義經觀音賢經阿彌陀般若心經各一卷
奉模寫素紙妙法蓮華經十部南無二經阿彌陀經
般若心經各十卷便屬九夏三伏之暑月敬整供
養恭敬之軌儀秘密之師結印契而排壇場稱讚之
侶唱梵唄而列齋席抑弟子雖保禁戒猶難保雖懺
罪障不能懺所以者何正嫡則太上皇少子名萬乘
主二代扶持之向定招不慮之咎衆務諮詢之處豈
無自然之愆靜而思之莫不慨然但逆修八度之功
哲未聞順次三明之望宿念益遂彼有大隕向道之

者七聖猶隔極聖之名有汾陽留蹤之者四子誰列佛
子之藉我昔殖何德本今世得此勝因仰願兩部諸
尊一乘妙典知見納受哀慈聽許必依慧業之薰修
成就往生之素意乃至鐵圍沙界六趣四生併辭流
轉之苦輪同到實智之覺岸敬白

久壽二年六月廿六日弟子沙門 敬白

作者式部大輔永範朝臣

右藤永乾願文一卷以叡山淨教房本寫

京師乙丑本



